



ODA E AVOKATËVE TË KOSOVËS
ADVOKATSKA KOMORA KOSOVA
KOSOVO BAR ASSOCIATION

V. KD. Nr. 10-3/2022

KOMISIONI DISIPLINOR I ODËS SË AVOKATËVE TË KOSOVËS, në kolegjin e përbërë nga Arsim Bilalli– Kryetar, Besian Sylja anëtar dhe Marigona Berisha anëtar, me pjesëmarrjen e Vjollca Ajeti, Administratore në Zyrën Disiplinore në OAK - Procesmbajtëse, duke vendosur lidhur me Propozimin e ZPD-se me Nr. 10-3/2021 , të datës 20/04/2022 si dhe Plotësim Propozimit të Prokurorit Disiplinor me nr.10-2/2021 të datës 07/07/2022 , ndaj me adresë në Rr. _____ nr. _____ , konform nenit 16 të Rregullores për Procedurën Disiplinore të OAK-së , pas zhvillimit të seancës së shqyrtimit fillestar më datën 24.11.2022, merr këtë:

V E N D I M

I. HUDHET Propozimi i ZPD të OAK-së me Nr. 10-3/2021, të datës 20/04/2022, dhe Plotësim Propozimi i Prokurorit Disiplinor me nr.10-2/2021 i datës 07/07/2022

PUSHOHET procedura disiplinore ndaj Av _____ me seli të zyrës në adresën Rr. Rr. _____ për shkak të shkeljes disiplinore nga neni 118 pika 1.15 i Statutit të OAK-së, lidhur me nenin 36 pika a të KEPA-së.

II. Shpenzimet e Procedurës Disiplinore bien në barrë të buxhetit të OAK-së.

A r s y e t i m

Kolegji Disiplinor i OAK-së, pas pranimit të Propozimit nga ZPD e OAK-së, e ka caktuar dhe mbajtur shqyrtimin fillestar më datë 23/05/2022, në përbërje të plotë.

Në seancën e mbajtur të shqyrtim fillestar Komisioni Disiplinor, pas shqimit dhe analizimin e shkresave të lëndës të bashkangjitura në Propozimin e Prokurorit Disiplinor të OAK-së, me Nr.10-3/2021, të datës 20/04/2022, ku sipas dy antarëve të Kolegjit ngase kishte mendim mospajtues nga anëtari tjetër i kolegjit dhe me shumicë votash Kolegji konstatoi që vendimi i Këshillit drejtues të OAK-së me nr.284/21 të datës 03/02/2021 në përmbajtjen e këtij vendimi ka paqartësi ngase është precizuar që ky bojkot a është i vlefshëm edhe në rastet e natyrës urgjente kur kemi të bëjmë me kufizimin e Lirisë dhe rasteve të Dhunës në Familje dhe si rezultat i kësaj Kolegji mori Aktvendim që të Kthehet në Plotësim Propozimi i Prokurorit Disiplinor me nr.10-3/2021 i datës 20/04/2022.

Ku Prokurori Disiplinor ka vepruar konform këtij Aktvendimi dhe ka dorëzuar Plotësim Propozimin me nr.10-2/2022 i datës 07/07/2022 me disa prova se ka avokat që janë shpallë përgjegjës për veprime të cilët e kanë shkelur Vendimin e Këshillit Drejtues të OAK-së me

nr.284/21 i datës 03/02/2021 por që në rastin konkret Kolegji Disiplinor nuk i fali besimin këtyre provave ngase fillimisht këto vendime ishin vendime që janë marrë nga Kolegji Disiplinor dhe se nuk e kanë marrë formën e prerë dhe tjetra konsiston se prokurori në vendimet të cilat i ka deponu si prova shihet se përfaqësimi i këtyre klienteve është bërë në kohën kur ndaj tyre nuk rezulton që janë nën ndonjë mase të Kufizimit të Lirisë por kanë qenë duke u mbrojtur në liri.

Andaj Kolegji disiplinor me datë 24/11/2022 në seancën e shqyrtimit fillestar në mënyrë Unanime konstatoi se në rastin konkret nuk kemi të bëjmë me shkelje disiplinore bazuar në nenin 19 par.1 pika 1.1 të Rregullores për Procedurën Disiplinore të OAK-së.

Në propozimin e paraqitur nga ZPD e OAK-se thuhet se _____ ka përfaqësuar në prokurorinë Themelore në Prishtinë më datë 10/02/2021 gjë që ishte në kundërshtim me vendimin e Këshillit Drejtues të OAK-së nr.284/2021 të datës 03.02.2021.

Në përgjigjen e tij i paraqituri kishte sqaruar se me datë 10/02/2021 klienti i tij _____ ka qenë **nën masën e Arrestit Shtëpiak** sipas aktvendimit të gjykatës së Apelit me nr.PN1.nr.65/2021 i datës 26/01/2021 është telefonuar nga Hetuesit Policor të Kosovës për ta njoftuar se klienti i të paraqiturit është duke shkuar për intervistim tek prokurori i cështjes.


Komisioni disiplinor gjatë marrjes së vendimit administroi të gjitha provat e paraqitura nga ana e ZPD-se të OAK-se dhe në mënyrë Unanime konstatoi se veprimet e të paraqiturit nuk përbëjnë shkelje disiplinore.

Meqenëse i paraqituri _____ e kishte klientin e tij nën masën e Arrestit shtëpiak është ftuar zyrtarisht që të marrë pjesë në Intervistim në zyrën e prokurorit dhe ku dihet se personat të cilët e kanë të kufizuar lirinë dhe se këto raste trajtohen si raste të Natyrës Urgjente, andaj konsiderojmë se veprimet e të paraqiturit nuk paraqesin shkelje disiplinore për mos respektimin e vendimit të OAK-së.

Nga arsyet e lartcekura dhe në mbështetje të neneve 19 par.1.1, dhe 37 par. 2 të Rregullores për Procedurën Disiplinore për Avokat dhe Praktikantë të dt.07.03.2020, u vendos si në dispozitiv të këtij aktvendimi.

Komisioni Disiplinor i Odës së Avokatëve të Kosovës
V. KD.Nr.10-3/2022, të dt: 24/11/2022

Procesmbajtësja:
Vjollca Ajeti



Kryetari i Kolegjit Disiplinor:
Av. Arsim Bilalli



Këshillë Juridike:

Kundër këtij vendimi pala e pakënaqur mund të ushtrojë ankesë në afat prej 8 ditësh pranë Komisionit të Ankesave të OAK-së përmes këtij Komisioni.